

Na osnovu člana 32. stav (6) Zakona o javnim nabavkama Bosne i Hercegovine („Službeni glasnik BiH“, broj: 39/14) i pravosnažne Odluke o izboru najpovoljnijeg ponuđača, br. 10-1648-7/16 od 18.01.2016. god., a nakon provedenog postupka konkurentskog zahtjeva za dostavu ponuda za nabavku goriva za potrebe KJU „Gerontološki centar“ Sarajevo, dana 30.01.2017. godine u Sarajevu, zaključuje se

OKVIRNI SPORAZUM ZA NABAVKU GORIVA

Između:

1. **KANTONALNA JAVNA USTANOVA „GERONTOLOŠKI CENTAR“ SARAJEVO, ul. Aleja Bosne srebrene br.7., Sarajevo**, registrovan kod Kantonalnog suda u Sarajevu pod brojem UF/I-2260/97 od 15.08.1997.god. i Općinskog suda u Sarajevu Rješ. Br. 065-0-Reg-07-000174 od 25.06.2007.god., identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

2. **„HIFA – PETROL“ DRUŠTVO ZA PROMET NAFTOM I NAFTNIM DERIVATIMA d.o.o. iz Sarajeva**, ul. Hotonj bb, registrovan kod Općinskog suda u Sarajevu pod brojem 065-0-RegZ-16-006516 od 21.09.2016. godine, (matični broj subjekta upisa 65-01-0723-08 (stari broj: 1-24991)), identifikacijski broj kod Porezne uprave FBiH Kantonalni ured Sarajevo 4200999090005, porezni broj: 02053669, identifikacijski broj obveznika PDV 200999090005, koga zastupa Direktor Hajrudin Ahmetlić (u daljem tekstu: Dobavljač)

Član 1.

Ovim Okvirnim sporazumom ugovorne strane su se sporazumjele da će Dobavljač tokom cijelog ugovorenog perioda kontinuirano snabdijevati Ugovornog organa **gorivom**.

Okvirni sporazum se zaključuje na osnovu provedenog postupka javne nabavke objavljenog na portalu javnih nabavki broj: 897-7-1-53-3-17/16 dana 15.11.2016. godine i pravosnažne Odluke o izboru najpovoljnijeg ponuđača, broj: 10-1648-7/16. od 18.01.2016. godine.

Sastavni dio ovog Okvirnog sporazuma je prihvaćena Ponuda Dobavljača broj JN-4345/16 od 01.12.2016. godine, sačinjena prema specifikaciji iz tenderske dokumentacije Ugovornog organa.

Član 2.

Ovaj Okvirni sporazum se zaključuje **na period od 3 (tri) godine**, a najkasnije do finansijskog ispunjenja i izbora novog dobavljača.

U skladu sa Ponudom Dobavljača maksimalna vrijednost ovog Okvirnog sporazuma iznosi 22.580,30 KM, bez uključenog PDV-a u koju je uračunat popust u iznosu od 1.014,58 KM.

Maksimalna vrijednost ovog Okvirnog sporazuma bazirana je na maksimalnoj okvirnoj količini goriva, koja se planira nabaviti u toku trajanja okvirnog sporazuma.

Ukupna količina i ukupna vrijednost ugovora za ugovoreni period se ne može precizno utvrditi i planirati i zavisi od nastalih potreba Ugovornog organa u toku ugovorenog perioda, zbog čega su ugovorne strane saglasne da Ugovorni

organ zadrži pravo potpune ili djelimične realizacije nabavke po Tenderskoj dokumentaciji, a u skladu sa Zakonom o javnim nabavkama Bosne i Hercegovine.

Član 3.

Ugovorne strane su saglasne da se u periodu važenja ovog Okvirnog sporazuma količina i vrsta goriva precizirane u Specifikaciji Ugovornog organa i Ponudi Dobavljača, mogu mijenjati u skladu sa potrebama Ugovornog organa, o čemu bi se ugovorne strane prethodno usaglasile.

Promjena vrste i količine goriva se odnose na promjene potreba Ugovornog organa na koje se ne može uticati, i koje su različite u odnosu na vrstu i količinu preciziranu Specifikacijom Ugovornog organa i Ponudom dobavljača.

Prijedlog za promjenu količine i vrste goriva, osim u hitnim situacijama, Ugovorni organ je obavezan dostaviti Dobavljaču u pismenoj formi, radi postizanja saglasnosti o cijenama istih. Po dostavljenom prijedlogu Dobavljač je obavezan izjasniti se u roku od 2 dana.

Ne postizanje dogovora u vezi sa eventualnim promjenama vrste i količine robe iz okvira predmetne nabavke i cijenama istih, predstavlja osnov za raskid ovog Okvirnog sporazuma.

Član 4.

U toku primjene ovog Okvirnog sporazuma ugovorne strane će zaključivati jednogodišnje periodične ugovore, kojima će se detaljno regulisati prava i obaveze ugovornih strana.

Pri zaključivanju periodičnih ugovora ne mogu se mijenjati bitni uslovi iz ovog Okvirnog sporazuma.

U okviru ugovorenog perioda za pojedinačne nabavke goriva neće se primjenjivati odredbe propisa kojima se uređuje postupak javnih nabavki.

Član 5.

Ugovorne strane su saglasne da se isporuka goriva, osim nafte/lož-ulja, vrši na prodajnim mjestima Dobavljača – benzinskim pumpama na teritoriji Bosne i Hercegovine, da se u svim prodajnim objektima Dobavljača formira evidencioni karton Ugovornog organa, koji će sadržavati podatke o vozilima Ugovornog organa, zaposlenicima ovlaštenim za upravljanje vozilima, datumu i količini isporučene robe za svako vozilo odvojeno.

Ugovorni organ se obavezuje da uz ovaj Okvirni sporazum Dobavljaču dostavi obavijest o vozilima koja su u vlasništvu „Gerontološkog centra“ i imenima zaposlenika ovlaštenim za upravljanje vozilima.

Evidencioni karton iz stava 1. ovog člana vodit će se mjesečno i isti će se zaključivati na kraju svakog kalendarskog mjeseca i na osnovu istog Dobavljač će izvršiti obračun i Ugovornom organu ispostaviti fakturu za plaćanje.

Kopija Izjave o usklađenosti kvaliteta tečnih naftnih goriva i kopija evidencionog kartona obavezno se dostavljaju uz fakturu za plaćanje.

Član 6.

Ugovorne strane su saglasne da se isporuka nafte/lož-ulja, za potrebe kotlovnice Ugovornog organa, vrši vozilima Dobavljača – cisternama, na adresu Ugovornog organa, ulica Aleja Bosne srebrene broj 7., u Sarajevu i to najkasnije naredni dan po narudžbi Ugovornog organa.

Dobavljač se obavezuje da uz svaku isporuku nafte/lož-ulja dostavi ovjerenu kopiju Uvjerenja o registraciji skladišta ulja za loženje izdato od strane Uprave za indirektno oporezivanje, ne stariju od 3 mjeseca i ovjerenu kopiju Izjave o usklađenosti kvaliteta tečnih naftnih goriva.

Član 7.

Zbog karaktera roba koje su predmet nabavke, ugovorne strane su saglasne da se u toku izvršenja ugovora jedinične cijene goriva mogu prilagođavati tržišnim uslovima, ukoliko iste pretrpe značajnije promjene na tržištu, pod uslovom da Dobavljač uz prethodno dostavljenu obavijest Ugovornom organu o promjeni cijene, dostavi dokaz o nastalim promjenama cijena na tržištu.

Promijenjene okolnosti koje se odnose na nabavnu cijenu robe (povećanje ili smanjenje), ugovorni organ će priznati na osnovu prethodno dostavljenog obrasca o promjeni cijena (OPC), odobrenog i ovjerenog od strane Federalnog ministarstva trgovine ili drugog odgovarajućeg dokumenta odobrenog i ovjerenog od strane nadležnog organa Republike Srpske, iz kojeg je jasno vidljivo da je u momentu isporuke došlo do promjene cijene predmetne robe na tržištu.

Član 8.

Osnov za plaćanje nabavljenog goriva jesu fakture/računi koje Dobavljač dostavlja Ugovornom organu za uredno izvršene nabavke, a na osnovu evidencionog kartona i otpremnih dokumenata potpisanih od strane ovlaštenog zaposlenika Ugovornog organa i Dobavljača.

Ugovorni organ se obavezuje da će plaćanje vršiti zbirno mjesečno za svu robu isporučenu u toku jednog kalendarskog mjeseca, i to u roku od 60 (šezdeset) dana od dana prijema fakture, na transakcijski račun Dobavljača broj 3385502203296597 otvoren kod UniCredit banke.

Plaćanje robe po ovom Ugovoru vršit će se u konvertibilnim markama.

Za svako kašnjenje u plaćanju Ugovorni organ se obavezuje da Dobavljaču pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

Član 9.

Svi uslovi iz tenderske dokumentacije broj: 10-1648-1/16 od 14.11.2016. godine i ponude Dobavljača broj JN-4345/16 od 01.12.2016. godine čine sastavni dio ovog Okvirnog sporazuma.

Član 10.

U svrhu izvršenja ovog Ugovora Dobavljač nema pravo zapošljavati lica koja su učestvovala u pripremi tenderske dokumentacije ili koja su učestvovala u svojstvu predsjednika ili člana komisije za javne nabavke, najmanje šest mjeseci po zaključenju istog.

Član 11.

Ugovorne strane se obavezuju na pridržavanje zakonskih propisa, čuvanje poslovne tajnosti i pridržavanje poslovnih običaja.

Član 12.

Odredbe ovog Okvirnog sporazuma ne mogu se mijenjati nakon njegovog zaključenja.

Član 13.

Ovaj Okvirni sporazum stupa na snagu danom potpisivanja obje ugovorne strane.

Član 14.

Svaka od ugovornih strana može pismenim putem otkazati ovaj Okvirni sporazum, ukoliko se neka od ugovornih strana ne bude pridržavala njegovih odredaba, kao i iz razloga propisanih Zakonom o obligacionim odnosima, uz prethodno izmirenje svih obaveza nastalih po osnovu ovog Okvirnog sporazuma.


Otkazni rok po ovom Okvirnom sporazumu je 30 (trideset) dana, od dana prijema pismenog obavještenja o otkazu istog, a po isteku ovog roka, Okvirni sporazum se smatra raskinutim.

Član 15.

Eventualno nastale sporove pri realizaciji ovog Okvirnog sporazuma, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 16.

Ovaj Okvirni sporazum je sačinjen u četiri /4/ istovjetna primjerka, od kojih svaka ugovorna strana zadržava po dva /2/ primjerka.


DOBAVLJAC
U.O.O.
SARAJEVO
Broj: 28/17.
Datum: 03.02.2017.


UGOVORNI ORGAN
Broj: 10-1648-9/16.
Datum: 30.01.2017. godine

